

Obrazac 2.

REGISTAR IZDATIH SLUŽBENIH LEGITIMACIJA ČUVARIMA ŠUMA

Redni broj	Ime i prezime	JMBG	Serijski broj legitimacije	Datum izdavanja	Datum vraćanja	Napomena

Na osnovu člana 45. stav (5) Zakona o šumama Kantona Sarajevo ("Službene novine Kantona Sarajevo", broj 5/13), ministar privrede Kantona Sarajevo donosi

PRAVILNIK**O NAČINU OBILJEŽAVANJA GRANICA DRŽAVNIH ŠUMA I ŠUMSKOG ZEMLJIŠTA, KAO I VRSTI I POSTAVLJANJU GRANIČNIH ZNAKOVA**

Član 1.

(Predmet Pravilnika)

Ovim pravilnikom uređuje se način obilježavanja granica državnih šuma i šumskog zemljišta, vrste graničnih znakova i način postavljanja graničnih znakova.

Član 2.

(Pojmovi)

Pojmovi koji se koriste u ovom pravilniku imaju sljedeća značenja:

- pod *šumom*, u smislu ovog pravilnika, podrazumijeva se zemljište prekriveno šumskim drvećem ili šumskim grmljem čija površina prelazi 1000 m², čija je širina najmanje 20 m i ako krošnje pokrivaju više od 30% zemljišta,
- državna šuma i šumsko zemljište* je šuma i šumsko zemljište u državnom vlasništvu,
- pod *šumskim zemljištem*, pored zemljišta obraslog šumom, podrazumijeva se i neobrađeno, neiskorišteno ili neplodno zemljište, šumske čistine, livade kao i jezera, tekuće površinske vode i druge površinske vode i močvare unutar šuma,
- granice državnih šuma i šumskog zemljišta* su linije koje razgraničavaju državne šume i šumsko zemljište od privatnih posjeda, poljoprivrednog i građevinskog zemljišta,
- granični znakovi* su trajni i vidljivi znakovi koji se postavljaju na mjestima gdje se granična linija lomi kao i na mjestima rijeka, jezera, saobraćajnica i sl.

Član 3.

(Nadležnost)

- Kantonalno javno preduzeće za gospodarenje državnim šumama "Sarajevo-šume" d.o.o. Sarajevo i Kantonalna javna ustanova za zaštićena prirodna područja Kantona Sarajevo koja gospodare državnim šumama i šumskim zemljištem dužna su da izvrše obilježavanje granica državnih šuma i

šumskog zemljišta na osnovu rješenja i u roku koji odredi rješenjem nadležni organ u skladu sa odredbama Zakona o promjeru i katastru nekretnina.

- Granice šuma i šumskog zemljišta u državnom vlasništvu obilježavaju se trajnim i vidljivim graničnim znakovima (u daljem tekstu: "znakovi").

Član 4.

(Način obilježavanja)

- Za znakove za obilježavanje granica upotrebljavaju se:
 - betonski stub dimenzija 10x10x50 cm sa nadzemnim dijelom visine 10 cm (slika 1.),
 - grubo obrađen kameni stub dužine 50 cm sa obrađenim nadzemnim dijelom 10x10x10 cm (slika 2.),
 - prirodna stijena sa obrađenom glavom 10x10x10 cm (slika 3.),
 - dubeće drvo (stablo) najmanjeg prečnika 30 cm sa zatesima 10x10 cm na prsnoj visini, 1,30 m isključivo na kori (slika 4.).
- Grafički prikazi (Prilog 1, slika 1, 2, 3. i 4.) su sastavni dio ovog pravilnika.

Član 5.

(Oznake)

- Na znakovima iz člana 4. ovog pravilnika ispisuje se oznaka DŠ (državna šuma) i redni broj znaka u kvadratu 7x7 cm sa veličinom slova i brojeva koja odgovara veličini kvadrata.
- Oznaka DŠ stavlja se sa vanjske strane šume ili šumskog zemljišta, a brojevi sa unutrašnje strane.
- Brojevi se počinju pisati u pravcu kretanja kazaljke na satu i obrojčavanje granične linije počinje sa brojem jedan i nastavlja se rednim brojevima sve do završetka.
- Obrojčavanje iz stava (3) ovog člana može se vršiti po odjelima, gospodarskim jedinicama i njihovim dijelovima kao i po katastarskim opštinama, a vrši se za područje općine.
- Izuzetno od stava (4) ovog člana, može se vršiti odvojeno obrojčavanje površina šuma ili šumskog zemljišta koje se nalazi kao enklava u kompleksu poljoprivrednog zemljišta.

Član 6.

(Granični znakovi)

- Granični znakovi se postavljaju na mjestima gdje se granična linija lomi, kao i na mjestima rijeka, jezera i slično. Ako granična linija ide stalnim objektima (putevi, rijeke, potoci i dr.), granični znakovi se postavljaju samo na početku i na kraju tog objekta.

- (2) Ako granična linija ide potokom ili rijekom onda granica, po pravilu, ide sredinom vodotoka, ako vodotok nije međunarodni.
- (3) Ako se granični znak nalazi u vodotoku ili na ušću vodotoka ne vrši se postavljanje znaka nego se postavljaju dva granična znaka na obalama, te se uz opis u zapisniku crta skica.
- (4) Kada je granična linija prava, znakovi se postavljaju tako da se moraju dogledati.

Član 7.
(Geodetsko snimanje)

- (1) Kantonalno javno preduzeće za gospodarenje državnim šumama "Sarajevo-šume" d.o.o. Sarajevo i Kantonalna javna ustanova za zaštićena prirodna područja Kantona Sarajevo dužni su da poslije postavljanja znakova izvrše geodetsko snimanje znakova jednom od geodetskih metoda premjera, oslonjenih na stalne geodetske tačke.

- (2) Podaci snimanja znakova moraju biti takvi da se na osnovu njih može izvršiti kartiranje i ucrtavanje znakova na katastarskim planovima i izvršiti promjene kroz katastarski operat, kao i da se na osnovu tih podataka mogu ponovo, u granicama tačnosti snimanja, postaviti znakovi u slučajevima spora oko granica ili ako su znakovi uništeni.

Član 8.
(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 07-26-5844/14
10. marta 2014. godine
Sarajevo

Ministar
Mr. sci. **Emir Hrenovica**, s. r.

Prilog 1

Grafički prikaz znakova za obilježavanje granica državnih šuma i šumskog zemljišta

